

Free Market bentuk sikap graduan prihatin

Sudut Pandang

Oleh PROF. DATUK DR. MOHAMMAD SHATAR SABRAN Pakar Sosial dan Timbalan Naib Canselor (Hal Ehwal Pelajar dan Alumni), Universiti Putra Malaysia



STATISTIK semasa, jumlah pelajar yang sedang menuntut di institusi pengajian tinggi dalam negara adalah seramai 1.2 juta orang.

Daripada jumlah itu, 600,000 orang berada di institusi pengajian tinggi awam manakala selebihnya menuntut di institusi pengajian tinggi swasta.

Jumlah pelajar yang besar ini amat signifikan kepada pembangunan dan kemajuan negara kerana mereka merupakan pelapis kepada kepimpinan masa depan.

Naik turunnya negara ini adalah bergantung kepada kualiti generasi muda kerana mereka merupakan kumpulan yang bakal memimpin negara kelak.

Justeru, sangat wajar bagi setiap institusi pengajian tinggi yang terlibat untuk memastikan generasi muda ini diberikan pendekatan dan pengalaman kepada kualiti yang diperlukan untuk menerusi negara.

Terdapat pelbagai kualiti yang amat diperlukan untuk membantu seseorang itu menjadi pemimpin.

Antaranya, prihatin kepada apa yang berlaku pada masyarakat di sekililing.

Menyedari kepentingan kepada sifat prihatin ini, Universiti Putra Malaysia (UPM) mengambil langkah proaktif dengan melaksanakan pelbagai program dan aktiviti untuk meningkatkan sikap keprihatinan pelajar di sepanjang pengajian mereka.

Antara dua program dan aktiviti utama yang dilaksanakan oleh UPM untuk mencapai matlamat itu ialah *Free Market*.

Program *Free Market* merupakan acara tahunan UPM. Ia dianjurkan oleh Majlis Tertinggi Mahasiswa Kolej Kediaman Tun Dr. Ismail (KTDI) dengan kerjasama Bahagian Hal Ehwal Pelajar dan Alumni UPM.

Matlamat utama program ini ialah untuk menanamkan sifat tolol-menolong antara satu sama lain terutamanya bagi mereka yang amat memerlukan.

Melalui program ini, masyarakat kampus sama ada pelajar atau staf boleh

UPM aktif menganjurkan program dan aktiviti bagi meningkatkan tahap keprihatinan pelajar.



UPM sentiasa mempersiapkan para pelajar dengan ilmu keprihatinan sebelum mereka menamatkan pengajian. — Gambar hiasan

menyumbang apa sahaja yang difikirkan sesuai untuk diberikan kepada orang kurang berasih baik seperti fakir miskin dan ibu tunggal.

Selain warga kampus, masyarakat luar juga boleh menyumbang untuk tujuan yang sama.

Pengumpulan sumbangan ini akan dibuat sepanjang masa dalam tempoh setahun. Namun, program *Free Market* akan diadakan pada tarikh dan waktu yang ditetapkan oleh pihak kolej yang menganjurkan program ini.

Pada hari acara itu, semua barang yang berjaya dikumpulkan melalui sumbangan warga kampus dan orang awam akan diletakkan di Dewan Besar sebelum diaghid-agihkan kepada mereka yang kurang berasih baik.

Jambatan

Anak yatim, ibu tunggal dan orang kurang upaya akan diberi keutamaan untuk memilih barang sumbangan itu sebelum pihak pengangur membukanya kepada orang awam. Selain memupuk sifat prihatin kepada golongan yang memerlukan, program ini juga menjadi jambatan antara masyarakat luar dengan universiti.

Universiti bukanlah sebuah pulau yang tidak boleh berhubung antara satu sama lain. Program yang kedua dilaksanakan oleh pihak UPM untuk melahirkan pelajar yang prihatin ialah *Suspended Meals*.

Melalui program ini, pelajar yang berminat akan membayar terlebih dahulu menu tertentu



di mana-mana cafe dalam kampus untuk digunakan oleh pelajar yang memerlukan.

Senarai menu yang telah dibayar oleh pelajar atau staf UPM akan ditampilkan di papan kenyataan di cafe itu untuk dilihat dan digunakan oleh pelajar yang memerlukan.

Apabila menu itu digunakan, maka senarai menu yang ditampilkan di papan kenyataan itu akan dipadamkan.

Sehingga kini, *Suspended Meals* menerima sambutan yang amat menggalakkan daripada warga kampus terutamanya kumpulan yang memerlukan dalam kalangan pelajar.

Setelah hampir dua tahun pelaksanaannya, komitmen dan penglibatan pelajar melibatkan diri dalam program serta aktiviti seperti ini amatlah menggalakkan.

Apa yang diharapkan, sifat yang disemai ini akan terus subur dan menjadi amalan walaupun mereka telah menamatkan pengajian.

Semoga dengan adanya sifat keprihatinan seperti ini, negara akan menjadi lebih makmur, aman dan damai pada masa hadapan.

Suspended Meal 2.0

INSTRUCTIONS

PROGRAM

Suspended Meals

dan *Free Market*

berjaya membantu golongan

memerlukan.